

autem aliquod luminarium occidentem occupauerit, faciens figuram cum infortunis duabus, pluribusue modis, infantes semiuui oriuntur, aut quasi carnis frustum, aut imperfectae creationis, quare si altera infortunarum luminare existente in occidente eleuetur, natus non nutrietur, neque uitam habebit, secundum regulas predictas. Hæc Ptolemæus.

Aliorum sententiæ & aphorismi.

Pro nutri-
tione con-
sidera.

{ Ascendentem,
Dominum eius,
Dominos triplicitatis ascendentis,
Partem fortunæ,
Dominum eius,
Solem,
Dispositorem eius;
Tres dominos triplicitatis Solis;
Locum coniunctionis uel oppositionis præcedentis;



HABEAS etiam respectum ad gradus qui sunt inter Hylech & infortunam, ad gradus nimirum eiusdem longitudinis & latitudinis, qui si fuerint æquales, & de eadem parte cœli cum luminaribus, uel una earum Hylech existente, natus spatium uiginti quatuor horarum non superabit. Si autem gradus latitudinis fuerint inæquales, ac infortunæ extra eclipticam positi; fortunæ uero in ecliptica in eadem longitudinis parte cum infortunis, nocumentum eorum erit mediocre. Si autem longitudo & latitudo utrorumque fuerit diuersorum graduum, erit debilius. Si autem fuerit in diuersis partibus cœli, in eodem tamen signo diuersorum graduum, fortuna medium tenente, natus accipiet annos nutritionis & uitam, dummodo infortunarum radij ad præcedentes partes luminarium, fortunarum uero ad sequentes proijciantur.

Significatores nutritionis sunt Ascendens, Dominus eius, domini triplicitatis eius. Pars fortunæ, dominus eius, Sol, dominus eius, domini triplicitatis eius, Locum Coniunctionis uel Oppositionis præcedentis natiuitatem.

A dominis triplicitatis ascendentis, tanquam ex radice, scitur de nutritione. Primus enim habet primam tertiam, Secundus secundam, Tertius tertiam, ac ultimam nutritionis partem.

A dominis triplicitatis luminaris conditionarij, tanquam ex radice, scies uitam nati.

Præsentata natiuitate, considera principaliter dominos triplicitatis ascendentis, & secundum eos, dic bonam uel malam nutritionem, & hoc in illa parte nutritionis quæ significatur à tali domino triplicitatis.

Domini triplicitatis luminaris temporis in prima, decima, undecima, uel quinta, nutritionem leuem ac bonam significant. Si in septima, malam, anxiam, ac laboriosam.

Si gradus ascendentis & luminare temporis damnati fuerint, non nutrietur, nisi domini triplicitatis fuerint salui & firmi in angulis.

Si luna infortunata in ascendente fuerit, non nutrietur.

Si Luna in quarta domo coniuncta infortunæ quadrato uel opposito extiterit, non nutrietur, eritque mater in periculo, aut forte morietur.

Si Dominus ascendentis combustus fuerit, natus non uiuet octo diebus. Coniunctio planetarum plurium in ascendente, nutritionem non significat.

De natis qui nascuntur mortui.

DOML